

Zvonko Marić
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVIN
KANTON SARAJEVO
SKUPŠTINA KANTONA SARAJEVO
n/r Predsjedateljice Ana Babić
n/r Vlada Kantona Sarajevo

Sarajevo, 31.10.2017.godina

ZASTUPNIČKA INICIJATIVA

Vrlo sam zabrinut problemima sa kojim se suočavamo već evo tri godine koliko traje mandat, jer državni službenici i svi oni koji pripremaju odgovore na zastupnička pitanja i inicijative, da li zbog neznanja ili namjerno urušavaju kako instituciju koja se zove zastupnička pitanja i inicijative tako i dignitet Vlade i Skupštine KS.

Mislim da je nedopustivo da se takve stvari toleriraju i meni lično je potpuno jasno zašto oni srozavaju i Vladu i Parlament, ali ne mogu shvatiti da im i mi dopuštamo, i da im se generalno takve stvari dozvoljaju. Ta loša politika iz prošlosti je zapravo dovela sve ono što bi trebalo da predstavlja sistem na ovaj nivo, jer ovaj parazitski sloj ljudi (ne svih) nas konstantno lažu, varaju, obmanjuju, iskrivljuju činjenice, friziraju podatke i da ne nabrajam više sve nepodopštine kojima se bave.

Tražim da se prema nadležnom organu shodno članu 57. Zakona o državnoj službi Kantona Sarajevo (Službeni list 31/16) uputi zahtjev za pokretanje disciplinskog postupka protiv svih državnih službenika u Kantonu Sarajevo koji nisu izvršavali ili nesavjesno, nemarno izvršavali svoje obaveze u smislu odgovora na zastupnička pitanja i inicijative shodno članu 55. Zakona o državnoj službi Kantona Sarajevo.

Molim da se pri tome uzme u obzir svako neodgovoreno pitanje ili nesprovedena inicijativa svakog od zastupnika u Skupštini Kantona Sarajevo uz inicijativu da Skupština pripremi prijedlog izmjene Poslovnika Skupštine Kantona Sarajevo ili da se na bilo koji drugi zakonski način uvedu sankcije za nedostavljanje odgovora na pitanje i inicijative.

Prvoshodno mislim na rukovodioce koji su najodgovorniji ljudi za funkcioniranje ustanova, javnih preduzeća, resornih ministarstava i svih institucija kojima zastupnici upućuju pitanja i pokreću prema njima inicijative. Stoga molim prije svega Ministarstvo pravde da se pozabavi

ovom problematikom i da pravno uobliči ovu inicijativu koja bi mogla razrješiti vrlo zabrinjavajući trend koji ruši dignitet Vlade i premijera i što je najgore u svemu zastupnika i Skupštine Kantona Sarajevo.

Zastupnik SBB BIH

Zvonko Marić